

OFFERYNNAU STATUDOL CYMRU

2007 No. 3070

Rheoliadau Lles Anifeiliaid a Ffermir (Cymru) 2007

Enwi, cymhwyso a chychwyn

1. Enw'r Rheoliadau hyn yw Rheoliadau Lles Anifeiliaid a Ffermir (Cymru) 2007. Maent yn gymwys o ran Cymru; ac maent yn dod i rym ar 24 Hydref 2007.

Gwybodaeth Cychwyn

II Rhl. 1 mewn grym ar 24.10.2007, gweler [rhl. 1](#)

Diffiniadau a dehongli

2.—(1) Yn y Rheoliadau hyn—

ystyr “ceidwad” (“*keeper*”) yw unrhyw berson sy'n gyfrifol am anifeiliaid neu â gofal ohonynt, p'un ai ar sail barhaol neu dros dro;

ystyr “iâr ddodwy” (“*laying hen*”) yw iâr o'r rhywogaeth *Gallus gallus* sydd wedi cyrraedd aeddfedrwydd dodwy ac a gedwir ar gyfer cynhyrchu wyau na fwriedir iddynt ddeor;

ystyr “llaesodr” (“*litter*”), mewn perthynas â ieir dodwy, yw unrhyw ddefnydd hyfriw sy'n galluogi'r ieir i ddiwallu eu hanghenion etholegol;

ystyr “lle y gellir ei ddefnyddio” (“*usable area*”) yw lle a ddefnyddir gan ieir dodwy, nad yw'n cynnwys y lle a gymerir gan nyth, sydd â'i led yn 30 cm o leiaf a goleddf ei lawr heb fod yn fwy na 14% ac sy'n 45 cm o uchder o leiaf;

ystyr “llo” (“*calf*”) yw anifail buchol hyd at chwe mis oed;

ystyr “mochyn” (“*pig*”) yw anifail o'r rywogaeth y mochyn o unrhyw oedran a gedwir ar gyfer bridio neu besgi;

ystyr “nyth” (“*nest*”) yw lle ar wahân ar gyfer dodwy wyau, sef lle na chaiff cydrannau ei lawr gynnwys rhwyllau gwifrog a all ddod i gysylltiad â'r adar, ar gyfer iâr unigol neu grwp o ieir; mae i'r ymadrodd “person sy'n gyfrifol” am anifail yr ystyr a roddir i “person responsible” yn adran 3 o Ddeddf Lles Anifeiliaid 2006.

(2) Mae i ymadrodd a ddefnyddir yn y Rheoliadau hyn, nas diffinnir yn y Rheoliadau hyn ac a ddefnyddir yn y Cyfarwyddebau canlynol, yr ystyr sydd iddo yn y Cyfarwyddebau hynny—

(a) mewn perthynas â moch, Cyfarwyddebau [91/630/EEC\(1\)](#), [2001/88/EC\(2\)](#) a [2001/93/EC\(3\)](#);

(b) mewn perthynas â ieir dodwy, Cyfarwyddeb [99/74/EC\(4\)](#); ac

(c) mewn perthynas â lloi, Cyfarwyddebau [91/629/EEC\(5\)](#), [97/2/EC\(6\)](#) a [97/182/EC\(7\)](#).

(1) OJ Rhif L340, 11.12.91, t 33
(2) OJ Rhif L316, 1.12.2001, t 1
(3) OJ Rhif L316, 1.12.2001, t 36
(4) OJ Rhif L203, 3.8.99, t 53
(5) OJ Rhif L340, 11.12.91, t 28

(3) Mae i ymadrodd a ddefnyddir yn rheoliad 4 neu Atodlen 1, nas diffinnir yn y Rheoliadau hyn ac sy'n ymddangos yng Nghyfarwyddeb 98/58/EC(8), yr un ystyr sydd iddo at ddibenion y Gyfarwyddeb honno.

Gwybodaeth Cychwyn

I2 Rhl. 2 mewn grym ar 24.10.2007, gweler [rhl. 1](#)

Anifeiliaid y mae'r Rheoliadau hyn yn gymwys iddynt

3.—(1) Mae'r Rheoliadau hyn yn gymwys i anifeiliaid a ffermir yn unig.

(2) Yn y Rheoliadau hyn, ystyr “anifail a ffermir” (“*farmed animal*”) yw anifail a fridiwyd neu a gedwir ar gyfer cynhyrchu bwyd, gwlan neu grwyn neu at ddibenion ffermio eraill, ond heb gynnwys—

- (a) pysgod, ymlusgiaid neu amffibiaid;
- (b) unrhyw anifail tra bo mewn cystadleuaeth, sioe neu ddigwyddiad neu weithgaredd diwylliannol neu chwaraeol, neu anifail a fwriedir yn unig i'w ddefnyddio ar gyfer hynny;
- (c) anifail arbrofol neu anifail labordy; neu
- (ch) anifail sy'n byw yn y gwyllt.

Gwybodaeth Cychwyn

I3 Rhl. 3 mewn grym ar 24.10.2007, gweler [rhl. 1](#)

Dyletswyddau ar bersonau sy'n gyfrifol am anifeiliaid a ffermir

4.—(1) Rhaid i berson sy'n gyfrifol am anifail a ffermir gymryd pob cam rhesymol i sicrhau bod yr amodau y mae'r anifail yn cael ei fridio neu ei gadw odanynt yn cydymffurfio ag Atodlen 1.

(2) Wrth gydymffurfio â'r ddyletswydd ym mharagraff (1), rhaid i berson sy'n gyfrifol am anifail a ffermir roi sylw i'w—

- (a) rhywogaeth;
- (b) gradd ei datblygiad;
- (c) ei addasiad a'i ddofiad; ac
- (ch) ei anghenion seicolegol ac etholegol yn unol ag arferion da a gwybodaeth wyddonol.

Gwybodaeth Cychwyn

I4 Rhl. 4 mewn grym ar 24.10.2007, gweler [rhl. 1](#)

Dyletswyddau ychwanegol ar bersonau sy'n gyfrifol am ddofednod, ieir dodwy, lloi, gwartheg, moch neu gwningod

5.—(1) Rhaid i berson sy'n gyfrifol am—

(6) OJ Rhif L25, 28.1.97, t 24
 (7) OJ Rhif L76, 18.3.97, t 30
 (8) OJ Rhif L221, 8.8.98, t 23

- (a) dofednod (ac eithrio'r rheini a gedwir yn y systemau cyfeirir atynt yn Atodlenni 2 i 4) a gedwir mewn adeilad sicrhau y cânt eu cadw ar laesodr, neu y gallant bob amser fynd at laesodr sydd wedi ei gynnal yn dda, neu fan sydd wedi ei ddraenio'n dda ar gyfer gorffwys;
- (b) ieir dodwy a gedwir mewn sefydliadau a chanddynt 350 neu fwy o ieir gydymffurfio ag Atodlenni 2, 3, 4 a 5, fel y bo'n gymwys;
- (c) lloi a gaethiwir ar gyfer eu magu a'u pesgi gydymffurfio ag Atodlen 6;
- (ch) gwartheg gydymffurfio ag Atodlen 7;
- (d) moch, yn ddarostyngedig i baragraff (2), gydymffurfio â Rhan 2 o Atodlen 8 a phan fo'n gymwys, â gofynion Rhannau 3, 4, 5 a 6 o Atodlen 8; neu
- (dd) cwningod gydymffurfio ag Atodlen 9.

(2) Mae paragraffau 12, 28, 29 a 30 o Atodlen 8 yn gymwys i bob daliad yr adeiledir o'r newydd, yr ailadeiledir neu y dechreuir ei ddefnyddio am y tro cyntaf ar neu ar ôl 1 Ionawr 2003, ond yn achos pob daliad arall nid yw'r paragraffau hynny yn gymwys tan 1 Ionawr 2013.

(3) Mae Rhan 1 o Atodlen 8 yn effeithiol.

Gwybodaeth Cychwyn

I5 Rhl. 5 mewn grym ar 24.10.2007, gweler [rhl. 1](#)

Codau Ymarfer

6.—(1) Rhaid i berson sy'n gyfrifol am anifail a ffermir —

- (a) peidio â gofalu am yr anifail onid yw'n gyfarwydd â'r cod ymarfer perthnasol a bod y cod ar gael iddo tra'n gofalu am yr anifail; a
- (b) cymryd pob cam rhesymol i sicrhau nad yw person a gyflogir ganddo, neu a gymerir i weithio ganddo, yn gofalu am yr anifail oni bai bod y person arall hwnnw—
 - (i) yn gyfarwydd ag unrhyw god ymarfer perthnasol;
 - (ii) bod y cod ar gael iddo tra'n gofalu am yr anifail; a
 - (iii) ei fod wedi cael hyfforddiant ac arweiniad ar y cod hwnnw.

(2) Yn yr adran hon, ystyr “cod ymarfer perthnasol” (“*relevant code of practice*”) yw cod ymarfer a gyhoeddwyd o dan adran 14 o Ddeddf Lles Anifeiliaid 2006 neu god ymarfer statudol a gyhoeddwyd o dan adran 3 o Ddeddf Amaethyddiaeth (Darpariaethau Amrywiol) 1968⁽⁹⁾ mewn perthynas â'r rhywogaeth benodol o anifeiliaid a ffermir y mae'r person yn gofalu amdanynt.

Gwybodaeth Cychwyn

I6 Rhl. 6 mewn grym ar 24.10.2007, gweler [rhl. 1](#)

Tramgwyddau

7. Mae person yn cyflawni tramgwydd os yw, heb awdurdod neu esgus cyfreithlon —

- (a) yn torri neu'n peidio â chydymffurfio â dyletswydd yn rheoliad 4, 5 neu 6;
- (b) yn rhoi unrhyw eitem mewn cofnod neu'n rhoi unrhyw wybodaeth at ddibenion y Rheoliadau hyn y mae'n gwybod ei bod yn anwir mewn unrhyw fanylyn o bwys neu, at

(9) 1968 p. 34.

y dibenion hynny, yn gwneud datganiad neu'n rhoi gwybodaeth yn ddi-hid a'r datganiad hwnnw neu'r wybodaeth honno'n anwir mewn unrhyw fanylyn o bwys; neu

(c) yn achosi neu'n caniatáu unrhyw un o'r uchod.

Gwybodaeth Cychwyn

17 Rhl. 7 mewn grym ar 24.10.2007, gweler [rhl. 1](#)

Erlyniadau

8.—(1) Caiff awdurdod lleol ddwyn achos i erlyn am dramgwydd o dan y Rheoliadau hyn.

(2) Caiff Gweinidogion Cymru roi cyfarwyddyd mai hwy, ac nid yr awdurdod lleol, fydd yn dwyn achos i erlyn am dramgwydd o dan y Rheoliadau hyn mewn perthynas ag achosion o ddisgrifiad penodol neu unrhyw achos penodol.

Gwybodaeth Cychwyn

18 Rhl. 8 mewn grym ar 24.10.2007, gweler [rhl. 1](#)

Cosbau

9.—(1) Bydd person sy'n euog o dramgwydd o dan reoliad 7 yn agored, o'i gollfarnu'n ddiannod—

- (a) i garchar am gyfnod heb fod yn hwy na 51 wythnos;
- (b) i ddirwy heb fod yn fwy na lefel 4 ar y raddfa safonol; neu
- (c) i'r cyfnod o garchar y cyfeirir ato yn is-baragraff (a) yn ogystal â'r ddirwy y cyfeirir ati yn is-baragraff (b).

(2) Mewn perthynas â thramgwydd a gyflawnwyd cyn cychwyn adran 281(5) o Ddeddf Cyfiawnder Troseddol 2003(**10**), rhaid deall y cyfeiriad ym mharagraff (1)(a) at 51 wythnos fel cyfeiriad at 6 mis.

Gwybodaeth Cychwyn

19 Rhl. 9 mewn grym ar 24.10.2007, gweler [rhl. 1](#)

23 Hydref 2007

Elin Jones
Y Gweinidog dros Faterion Gwledig, un o
Weinidogion Cymru

Newidiadau i ddeddfwriaeth:

Mae newidiadau yn dal heb eu gwneud i Rheoliadau Lles Anifeiliaid a Ffermir (Cymru) 2007. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.

[View outstanding changes](#)

Changes and effects yet to be applied to :

- Sch. 1 para. 2(3)(aa) inserted by [S.I. 2010/2713 reg. 7\(a\)](#)
- Sch. 1 para. 7(b)(ii) word omitted by [S.I. 2010/2713 reg. 7\(c\)\(i\)](#)
- Sch. 1 para. 7(b)(iii) word omitted by [S.I. 2010/2713 reg. 7\(c\)\(ii\)](#)
- Sch. 1 para. 5 words inserted by [S.I. 2010/2713 reg. 7\(b\)](#)
- Sch. 1 para. 27(2) words substituted by [S.I. 2019/684 reg. 4\(2\)](#)
- Sch. 5A inserted by [S.I. 2010/2713 reg. 8Sch.](#)
- Sch. 5A para. 2(1)(1A) substituted for Sch. 5A para. 2(1) by [S.I. 2019/684 reg. 4\(3\)\(a\)](#)
- Sch. 5A para. 1 words inserted by [S.I. 2019/463 reg. 9\(a\)](#)
- Sch. 5A para. 1 words inserted by [S.I. 2019/463 reg. 9\(b\)](#)
- Sch. 5A para. 1 words inserted by [S.I. 2020/44 reg. 22\(2\)\(a\)\(iii\)](#)
- Sch. 5A para. 1 words omitted by [S.I. 2020/44 reg. 22\(2\)\(a\)\(ii\)](#)
- Sch. 5A para. 2(2) words substituted by [S.I. 2019/684 reg. 4\(3\)\(b\)](#)
- Sch. 5A para. 1 words substituted by [S.I. 2020/44 reg. 22\(2\)\(a\)\(i\)](#)
- Sch. 5A para. 15(1) words substituted by [S.I. 2020/44 reg. 22\(2\)\(b\)](#)
- reg. 2(1) words inserted by [S.I. 2010/2713 reg. 3\(1\)\(a\)](#)
- reg. 2(1) words inserted by [S.I. 2010/2713 reg. 3\(1\)\(b\)](#)
- reg. 2(1) words inserted by [S.I. 2010/2713 reg. 3\(1\)\(c\)](#)
- reg. 2(1) words inserted by [S.I. 2010/2713 reg. 3\(1\)\(d\)\(i\)](#)
- reg. 2(1) words inserted by [S.I. 2010/2713 reg. 3\(1\)\(d\)\(ii\)](#)
- reg. 2(1) words substituted by [S.I. 2010/2713 reg. 3\(1\)\(b\)](#)
- reg. 2(2) word omitted by [S.I. 2018/1216 reg. 33\(b\)](#)
- reg. 2(2)(a) words substituted by [S.I. 2018/1216 reg. 33\(a\)](#)
- reg. 2(2)(c) words substituted by [S.I. 2018/1216 reg. 33\(c\)](#)
- reg. 2(2)(aa) inserted by [S.I. 2010/2713 reg. 3\(2\)](#)
- reg. 5(1)(a) words inserted by [S.I. 2010/2713 reg. 4\(1\)](#)
- reg. 5(4) inserted by [S.I. 2010/2713 reg. 4\(3\)](#)
- reg. 5A inserted by [S.I. 2010/2713 reg. 5](#)
- reg. 7(1) reg. 7 renumbered as reg. 7(1) by [S.I. 2010/2713 reg. 6\(1\)](#)
- reg. 7(2) added by [S.I. 2010/2713 reg. 6\(2\)](#)

Changes and effects yet to be applied to the whole Instrument associated Parts and Chapters:

Whole provisions yet to be inserted into this Instrument (including any effects on those provisions):

- Sch. 1 para. 7(b)(iiia) inserted by [S.I. 2010/2713 reg. 7\(c\)\(iii\)](#)
- reg. 5(1)(ba) inserted by [S.I. 2010/2713 reg. 4\(2\)](#)